



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalm. XXXII. Beati quorum remissæ sunt iniquitat[...].

**urn:nbn:de:hbz:466:1-44993**

22 IAE perenni carmine gratulor,  
Miranda faustus comoda qui mihi  
Produxit, ac tutum recincta  
Moenibus exhibuit me in vrbe.

23 Dixi, Timore ac præcipiti fuga  
Abscindor absens ex oculis tuis;  
Exceptor audisti gementis,  
Quam tibi proposui, querelam.

24 IAM benignum qui colitis pii,  
Omnes soluto pectore amabitis;  
Nam seruat hic IAS fideles;  
Reddit item cumulum superbis.

25 Quicumque & IAM rebus in asperis  
Desideranti spe cupitis citum,  
Durate: robusta hic viris nam  
Corda dabit tolerare firmis.

PSALM. XXXII.

Beati quorum remissa sunt iniquitates.

BONORVM FINIS.

Dauidis animaduersio.

*Carmen Dicolor. Distrophon.*

**B**Eatus vsque qui solutus ambulat,  
Liberque prauo crimine;  
Opertus atque tutus à nocentibus,  
Intactus & culpis later.

2 Homo & beatus vsque cui non æstima  
IAS remissum iam scelus:  
Cuius reducto fraudulenta spiritu  
Persona nulla conditur.

3 Donec tacebam, cuncta consenescere  
Gementis ossa senseram:  
Gementis ossa solibus cunctis mea,  
Dolentis & graui malo.

4 Noctes dies me dum grauis manus tua  
Urget, premitque præualens;  
Arens vt æstas vrit incoquens fata,  
Succus liquens perit meus.

5 Culpam indicavi, nec latere distuli  
Delicta quæ gessi, tibi.

IAE improbanda operta, dixi, crimina  
In me fatebor improbum:

At tu scelesti pondus VS QVE criminis  
Clemente leuas & sustines.

6. Ergo.



## LIBER I.

62

- 6 Ergo precatur omnis expertus tuum  
Numen petendi tempore:  
Vndane certe vt multo aquarum flumina  
Intactus ille prodeat.
- 7 Tutela tu qua seruer, es praesens mihi,  
Angustijs meque expedis.  
Quocumque vertar, clamo liber liberis  
V S Q V E. ô triumpho vocibus.
- 8 Certam monebo te meam docens viam,  
Tutus queas quâ tendere:  
Et consulenti doctor ipse lumine,  
Praecessor ac ferar tuus.
- 9 Qualeis equusque & mulus esse absistat  
Expers genus prudentia;  
Pictis lupatis ora queis constringit  
Duris capistris & solent:  
Non pariuris aut adhæsuris tibi  
Nisic coactis belluis.
- 10 Plagæ & dolorum non ferenda pondera  
Manent nocentes impios.  
Circumstat vsque munit & benignitas  
I A E colentes spem ratam.
- 11 I A M canentes læta turba iustior  
Ouante plausu dicite,  
Quod corde rectos pulset, atque cantibus  
Sonare festis incitet.

## PSALM. XXXIII.

Exultate iusti in Domino.

## PIETAS DOCTISSIMA.

Ode Tricolos Tetrastraphos.

- 1 I A M iustitiae carmine nobili  
Cultores canite, vt grata per integros  
Exoptandaque laus est  
Quos laudis studium decet.
- 2 I A M vos cithara cum fidibus decens  
Laudantes tumido & dicite nabilio.  
Testudo accinat, hisque  
Mixtum psallite canticum.
- 3 Huic cantate nouum carmen, & optatis  
Aptate huic numeris lætitiæ modos,

4 Refr.